



Na osnovu člana 32. Zakona o materijalnoj podršci porodicama s djecom u Federaciji Bosne i Hercegovine ("Službene novine Federacije BiH", broj: 52/22 i 58/24), člana 168. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14- Prečišćeni tekst, 38/16, 44/17, 28/18, 52/21, 40/22 i 13/25), člana 3. Pravilnika o obilježavanju "Dječije nedjelje" u Kantonu Sarajevo ("Službene novine Kantona Sarajevo" broj 37/24) i tačke III. 3. Programa obilježavanja „Dječije nedjelje” u Federaciji Bosne i Hercegovine za 2025. godinu ("Službene novine Federacije BiH, broj 39/25), ministrica za rad, socijalnu politiku, raseljena lica i izbjeglice Kantona Sarajevo, donosi

ODLUKU

o obilježavanju "Dječije nedjelje" u Kantonu Sarajevo za 2025. godinu

Član 1.

(Osnovna odredba)

Ovom odlukom se preciznije uređuje obilježavanje "Dječije nedjelje" u Kantonu Sarajevo za 2025. godinu (u daljem tekstu: „Dječija nedjelja“), termin održavanja, sadržaj i slogan "Dječije nedjelje", raspisivanje i sadržaj javnog poziva, pravo učešća po javnom pozivu, kriteriji za ocjenu prijava, donošenje Programa obilježavanja "Dječije nedjelje", kao i iznos finansijskih sredstava koja su planirana za realizaciju "Dječije nedjelje", te druga pitanja značajna za provođenje javnog poziva i realizaciju "Dječije nedjelje".

Član 2.

(Termin održavanja i slogan)

- (1) "Dječija nedjelja" se realizuje u cilju podrške djeci iz porodica koje su u riziku od razdvajanja na području Kantona Sarajevo, a provoditi će se u periodu od 06. do 12. oktobra 2025. godine.
- (2) Slogan "Dječije nedjelje" je: "Dječiji osmeh je najveće blago".
- (3) Obilježavanje "Dječije nedjelje" će započeti svečanim obraćanjem ministrice za rad, socijalnu politiku, raseljena lica i izbjeglica Kantona Sarajevo (u daljem tekstu: ministrica) putem nadležne Službe za protokol i press Kantona Sarajevo.

Član 3.

(Javni poziv)

Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) objaviti će Javni poziv koji se objavljuje na web stranici Ministarstva i u jednim dnevnim novinama koje se distribuiraju na području Bosne i Hercegovine.



Član 4. **(Učešće)**

- (1) Na javni poziv iz člana 3. ove odluke pravo prijave imaju porodice sa djecom uzrasta do 18 godina koje su u stanju socijalne potrebe koju porodica ne može otkloniti bez pomoći šire društvene zajednice, a prema mišljenju stručnog tima službe socijalne zaštite su u riziku od razdvajanja (u daljem tekstu: porodica u riziku od razdvajanja).
- (2) Javna ustanova "Kantonalni centar za socijalni rad" (u daljem tekstu: Kantonalni centar) će putem službi socijalne zaštite koje djeluju u sastavu Kantonalnog centra, na osnovu informacija sa terena i svoje stručne ekspertize, te mišljenja stručnog tima službe procijeniti da je porodici sa djecom potrebna dodatna finansijska podrška u smislu prevencije razdvajanja porodica. Ova podrška usmjerena je na osiguranje socijalne sigurnosti djece iz porodica u stanju socijalne potrebe, odnosno eliminisanje stanja socijalne potrebe u kojoj se porodica sa djecom našla i koju ne može otkloniti bez pomoći šire društvene zajednice.
- (3) Porodici u riziku od razdvajanja u cilju trenutnog eliminisanja stanja socijalne potrebe dodijeliti će se finansijska podrška za potrebe djeteta.

Član 5. **(Kriteriji za finansijsku podršku)**

Kriteriji za dobijanje finansijske podrške su:

- a) da je porodici prema mišljenju stručnog tima nadležne službe socijalne zaštite potrebna finansijska podrška u smislu prevencije razdvajanja porodice,
- b) da podnosilac zahtjeva ima prebivalište na području Kantona Sarajevo najmanje godinu dana.

Član 6. **(Dostava prijave)**

- (1) Prijave sa dokazima o ispunjavanju kriterija iz člana 5. ove odluke roditelj djece iz porodice u riziku od razdvajanja (u daljem tekstu: aplikant) će dostaviti putem pošte na adresu Ministarstva: ulica Reisa Džemaludina Čauševića broj 1.
- (2) Dokumentacija koju je potrebno da aplikant dostavi je slijedeća:
 - a) izvod iz matične knjige rođenih za djecu (original ili ovjerena kopija ne starija od 3 mjeseca),
 - b) uvjerenje o kretanju za aplikanta (original ili ovjerena kopija ne starija od 3 mjeseca),
 - c) kopija bankovnog računa aplikanta (original ili ovjerena kopija ne starija od 3 mjeseca),
 - d) status porodice u riziku od razdvajanja utvrđen mišljenjem stručnog tima nadležne službe socijalne zaštite Kantonalnog centra sa socijalnom anamnezom.

Ministarstvo će izvršiti uplatu finansijske podrške porodici na bankovni račun aplikanta.

Član 7. **(Sastav i poslovi Komisije)**

- (1) Za provođenje postupka za obilježavanje "Dječije nedjelje", ministrica rješenjem imenuje Komisiju za provođenje Javnog poziva u okviru obilježavanja "Dječije nedjelje" u Kantonu Sarajevo za 2025. godinu (u daljem tekstu: Komisija) koja se sastoji od 5 (pet) članova.
- (2) Komisija će u roku određenom rješenjem, obaviti slijedeće poslove:
 - a) donijeti poslovnik o radu,



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

- b) razmotriti da li je prijava dostavljena u skladu sa uslovima propisanim u Javnom pozivu,
c) izvršiti ocjenu prijave u smislu ispunjavanja kriterija za učešće,
d) sačiniti Prijedlog liste aplikanata koji ispunjavaju kriterije, sa prijedlogom pojedinačnih iznosa finansijskih sredstava za dodjelu, sa obrazloženjem, te istu dostaviti ministrici radi donošenja Konačne liste aplikanata koji ispunjavaju kriterije,
e) sačiniti Prijedlog liste aplikanata čije prijave ne ispunjavaju kriterije za učešće, sa obrazloženjem i istu dostaviti ministrici,
f) Komisija će aplikantima sa liste iz tač. e) dostaviti pisane obavijesti sa navođenjem razloga zbog čega prijave nisu prihvaćene,
g) na osnovu Konačne liste aplikanata koji ispunjavaju kriterije izraditi prijedloge pojedinačnih odluka o dodjeli finansijske podrške i iste dostaviti ministrici.

Član 8.

(Sadržaj odluke o dodjeli sredstava)

Na prijedlog Komisije, ministrica donosi pojedinačne odluke o dodjeli budžetskih sredstava, a u skladu sa odredbama Zakona o izvršenju budžeta Kantona Sarajevo za 2025. godinu.

Član 9.

(Ugovor o dodjeli budžetskih sredstava)

Način doznačavanja sredstava, međusobna prava i obaveze i drugi bitni elementi za realizaciju budžetskih sredstava po Javnom pozivu regulišu se ugovorom između ministarstva i korisnika sredstava.

Član 10.

(Pravdanje utroška)

Roditelj je dužan da finansijsku podršku namjenski utroši za potrebe ove djece uz evaluaciju i praćenje od strane nadležne službe socijalne zaštite, te da do 31. januara 2026. godine Ministarstvu dostavi Izvještaj o utrošku ovih novčanih sredstava.

Član 11.

(Rok za podnošenje prijava)

- (1) Krajnji rok za podnošenje prijave će se odrediti u pozivu.
- (2) Prijave koje budu dostavljene nakon datuma naznačenog u pozivu, neće biti uzete u razmatranje.

Član 12.

(Prigovor)

- (1) Podnosiocima prijave po Javnom pozivu dopušta se izjavljivanje prigovora.
- (2) Prigovor se podnosi ministrici u roku od 3 (tri) dana od dana prijema obavijesti.
- (3) Prigovor ne odlaže izvršenje odluke.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

Član 13.
(Način raspodjele budžetskih sredstava)

Raspodjela budžetskih sredstava vršiti će se u skladu sa Zakonom o izvršavanju Budžeta Kantona Sarajevo za 2025. godinu („Službene novine Kantona Sarajevo“ broj 13/25), Odlukom o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva za rad, socijalnu politiku, raseljena lica i izbjeglice Kantona Sarajevo za 2025. godinu („Službene novine Kantona Sarajevo“ broj 16/25) i Javnim pozivom.

Član 14.
(Način dodjele budžetskih sredstava)

- (1) U okviru obilježavanja "Dječije nedjelje" ministrica na osnovu prijedloga komisije iz člana 7. ove odluke može donijeti odluku kojom će se dodijeliti sredstva iz Budžeta bez objave javnog poziva:
- a) udruženjima, fondacijama, ustanovama i drugim pravnim licima koja se bave zaštitom i brigom o djeci i njihovim porodicama, odnosno neprofitnim organizacijama koje su na osnovu posebnog zakona navedeni kao provodioci određene aktivnosti,
 - b) porodicama sa djecom u stanju socijalne potrebe, sa ciljem poboljšanja njihovog socijalnog i drugog statusa.
- (2) U slučajevima iz stava (1) ovog člana kada se sredstva dodjeljuju bez objavljivanja javnog poziva, Ministarstvo je obavezno poštovati minimalne standarde finansiranja i sufinansiranja vezane uz planiranje budžetskih sredstava.

Član 15.
(Novčana sredstva za obilježavanje "Dječije nedjelje")

- (1) U Budžetu Kantona Sarajevo u razdjelu Ministarstva, na poziciji NAM 002 - Zaštita porodice sa djecom planirana su sredstva za obilježavanje "Dječije nedjelje" i u 2025. godini ista iznose 43.683,00 KM (slovima: četrdeset tri hiljade šest stotina i osamdeset tri KM) za maksimalno 110 porodica u riziku od razdvajanja.
- (2) Sredstva za obilježavanje "Dječije nedjelje" prikupljaju se u skladu sa Uputstvom o načinu uplate prihoda po osnovu "Dječije nedjelje" ("Službene novine Kantona Sarajevo" br. 6/14 i 38/19).
- (3) Raspodjela sredstava za obilježavanje "Dječije nedjelje" se vrši u skladu sa prikupljenim i raspoloživim finansijskim sredstvima na poziciji iz stava (1) ovog člana.

Član 16.
(Objava rezultata Javnog poziva)

Rezultati Javnog poziva objavit će se na internet stranici Ministarstva www.mrsri.ks.gov.ba i putem Registra transfera neprofitnim organizacijama i pojedincima za finansiranje i sufinansiranje aktivnosti/programa/projekata iz Budžeta Kantona Sarajevo.

Član 17.
(Program obilježavanja "Dječije nedjelje")

Ministrica donosi Program obilježavanja „Dječije nedjelje“ u Kantonu Sarajevo za 2025. godinu, a koji je usklađen sa Programom obilježavanja „Dječije nedjelje“ u Federaciji Bosne i Hercegovine za 2025. godinu.




Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

4/5

Član 18.
(Stupanje na snagu Odluke)

Ova odluka stupa na snagu danom donošenja i objaviti će se u "Službenim novinama Kantona Sarajevo".

Broj: 13-03/1-31-45692/25
Sarajevo, 26.09.2025. godine



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

5/5

96

